

s'estoit trouué entierement guery. Ce bon homme a vne deuotion particuliere à son bon Ange.

Vn bon Chrestien Nipissirien, nommé Estienne Mangouch, difoit il y a quelque temps à vn de nos Peres, qu'ayans coustume parmy eux lors qu'un enfant est mort, de ietter son berceau; on auoit gardé celuy d'une petite fille qui luy mourut il y a cinq ans, apres auoir receu le saint Baptesme: & que les Sauvages s'en seruoient tour à tour pour leurs enfans, ayans experimenté que ceux qu'on y mettoit ne mourroient point, & se portoient bien. Nous ne sçauons s'il y a du miracle; mais ce dont nous sommes assurez est que ce bon Chrestien est d'une vie irreprochable, & d'une Foy inébranlable & à l'espreuue, aussi bien que sa femme, qui sont les deux premiers Chrestiens de cette Eglise Algonquine.